



Indgået

28 DEC. 2017

Inatsisartunut ilaasortaq
Justus Hansen, Demokraatit
/Her

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37 naapertorlugu apeqqummut nr. 2017-285-imut, tikaagulliup atortuinik avammut tunisassiortoqarsinnaaneranut tunngasoq, akissuteqaat

Asasara Justus Hansen,

2017-imi decembarip ulluisa 19-anni tikaagulliit atortuinik avammut tunisassiorsinnaaneq pillugu Naalakkersuisunut apeqquqteqaateqarsimavutit. Apeqqullu uannut akisassanngortinneqarsimavoq.

Suna pissutaava Kalaallit Nunaata Kitaaniit Danmarkimut tikaagullimmik tunisassiortoqarsinnaaneranut illuatungaani Tunumiit Danmarkimut tikaagullimmik tunisassiortoqarsinnaanngitsoq?

Akissut:

Nunarput nunani tamalaani uumasut nungutaanissaannut navianartorsiortut pillugit Washingtonimi isumaqatigiisummut ilaavoq (CITES). CITES-imi allattukkat pingasut atorlugit sulisoqarpoq, tamatumani uumasut aamma naasut allattorsimapput, tamakku nungutaanissaminnut qanoq navianartorsiortigenerat apeqquataatillugu.

Allattugaq I: CITES-imi uumasogatigiit taakku nungutaanissaminnut navianartorsiortut naliliiffigineqarput taamaattumillu tamakkunangaanneersunik avammut tunisassiortoqarqusaanngilaq eqqussuisoqarqusaananiluunniit. Nunatta imartaani uumasunut imarmiunut miluumasunut tunngatillugu allattuiffimmi I-imi arferit angisuut tamarmik allattorsimapput, Kitaata imartaani tikaagulliit kisiisa pinnagit.

Allattugaq II: Uumasogatigiit nungutaanissaminnut navianartorsiortut aamma nunat tamalaat akornanni niuerutigineqartut nakkutigineqarfigisassaani malinnaaffigineqarluartussaapput. Uumasogatigiinnit tamakkunanga atortuinik avammut tunisassiortoqarsinnaavoq, ilorraap tungaanut nungusaataanngitsumik piniarneqartartut nalilersuisoqarsimappat. Tamatumani uumasogatigiinnit taakkunanga avammut tunisassiorneq uumasogatigiinnut taakkunanga ajoqutaassanngitsoq nalilersuisoqartarpoq. Nunatsinni allattukkamut II-mut Kitaata imartaani tikaagulliit, arferit mikisut tamaasa aamma nannut ilaatinneqarput.

Allattugaq III: Uumasogatigiit nungutaanissaminnut navianartorsiunnginnerusut aamma nunat tamalaat akornanni niuerutigineqartartut nunamit ilaasortaasumit piumasarineqarpat nakkutigineqassapput. Allattukkani taakkunani

Brev dato:
27-12-2017
Sagsnr.
Akt. nr.
6598774

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

uumasogatigiit nalinginnaasumik nungusaataanngitsumik piniarneqarnerannik oqaaseqaatitaqartinnagit avammut tunisassiarineqarsinnaallutillu eqqussuunneqarsinnaapput. Nunatta imartaani immami uumasunut miluumasunut tunngatillugu aarrit allatukkamut III-mut ilaatinneqarput.

Nunatta Kangiata imartaani tikaagulliit "Atlantikup Avannaata imartaata qeqqaneersuupput", tamakkulu CITES-ip allattorsimaffiutaani I-imiipput aamma avammut tunisassiarineqaaqquusaanngillat.

Kitaata imartaani tikaagulliit CITES-ip Allattorsimaffiutaani II-imiipput. Pinngortitaleriffimmit Kitaata imartaani tikaagulliit nungusaataanngitsumik piniarneqartartut nalunaarutigineqarpoq, tassami NAMMCO-mit aamma Nunani tamalaani Arfanniarneq pillugu isumalioqatigiissitamit/ataatsimiititaliarsuarmit (Internationale Hvalfangstkommission) ilisimatuussutsikkut siunnersuinerit tikaagullinniarneri maannakkut malinneqarmata. Tikaagulliit Allatukkamut II-mut inissinneqarsimanagerat eqqarsaatigalugu tikaagullimmit atortunik kalaallit Danmarkimi najugaqartut namminneq atugassaannik assartuineq/nassiussineq akuerineqarpoq. Tunisassiat iluanaarniarnissaq siunertaralugu avammut tunisassiareqquusaanngillat.

Inussiarnersumik inuulluaqqusillunga



Kim Kielsen